



INATSISARTUNI

Partii Inuit
Randi Broberg

UPA 2014/69-1
30.4.2014

Pillugu: Ulloq 1. januar 2015 inuit A-nik isertitallit sulinermit ilanngaammik pisaleqqullugit Naalakkersuisut akileraartarnermut inatsimmik allanngortitsinissaq aningaasalersuinissarlu pillugit nassuiaammik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaat Inatsisartut 2014-mi ukiakkut ataatsimiilerpata saqqummiuteqquneqarpoq, sulinermit ilangaaammik eqqussinerup aningaasatigut kingunissai 2015-mut Aningaasanut Inatsit pillugu aalajangiinissamut atatillugu pingaarnersiuisoqalerpat ilanngunneqarsinnaaqqullugit.

(Inatsisartunut ilaasortaq Andreas Uldum, Demokrateer)

Partii Inuit naatsumik oqaatigissavarput, siunnersuummut naalakkersuisup akissuteqaataa naapertorlugu, ukiamut ataatsimiinnissamut nassuiaammik saqqummiisoqassamaartoq, siunnersuutip akuersissutigineqarnissaa innersuussutigaarput.